





LAURETIO BERTI

HISTORIAE
DEVIARIUM



2

BR143

B4

v. 2

1879

007511



EX LIBRIS
HEMETHERII VALVERDE TELLEZ
Episcopi Leonensis



1080014605

ECCLESIASTICÆ HISTORIÆ
BREVARIUM

A MUNDI REPARATIONE

USQUE AD ANNUM MDCCCLXXIX

ECCLESIASTICÆ HISTORIÆ
BREVIARIUM

AUCTORE

JOANNE LAURENTIO BERTI

FLORENTINO, FRATRE EREMITA AUGUSTINIANO;

CONTINUATUM USQUE AD ANNUM MDCCCLXXIX

A

P. LECT. FR. THIRSO LOPEZ

Legionensi, Ordinis Eremit. sancti Augustini Alumno,
Insularum Philippinarum Missionario, et in Collegio Sanctæ Mariæ de Vite, diœcesis
Uxamensis, ejusdem Ordinis in Hispania sacr. Theologiæ Professore

EDITIO NOVISSIMA

RECOGNITA, EMENDATA, ET PRÆTER ISAGOGEM AD SACRAM GEOGRAPHIAM,
VIII INDICIBUS CHRONOLOGICIS AD CALCEM APPOSITIS LOCUPLETATA

PARS SECUNDA

QUE COMPLECTITUR ISAGOGEM AD SACRAM GEOGRAPHIAM
ET PROGREDITUR USQUE AD ANNUM VULGARIS AERÆ MILLESIMUM OCTINGENTESIMUM
SEPTUAGESIMUM NONUM

Superiorum permissu



Capilla Alfonsina
Biblioteca Universitaria

PARISIIS

APUD LUDOVICUM VIVÈS, BIBLIOPOLAM EDITOREM

VIA VULGO DICTA DELAMBRE, 13

MDCCCLXXIX

UNIVERSIDAD DE NUEVO LEÓN
Biblioteca Valverde y Torres

44313

CONTINUATIONIS BREVIARII HUIUS LITTERARIA PROPRIETAS AD IPSUM
PERTINET CONTINUATOREM.

BR 143

B4

v. 2.

1879



FONDO EMETERIO
VALVERDE Y TELLEZ

LECTORI MONITUM.

Quod in hac historiarum Epitome scriptores recenseo complures, qui magni *Augustini* doctrinam temere oppugnant aut vellicant, adhibendæ moderationi, prudens lector, adtribuas. In decimo autem septimo, atque in decimo octavo sæculo, ubi quosdam præstantissimos viros appello *jansenianos*, scias velim, meum non esse eo loci statuere, an tales sint propterea quod proscriptas quinque propositiones tradiderint, an quod ut *Jansenii* asseclæ ab insimulatoribus traducantur. Etsi id tertio capite *synopsis* sæculi XVIII, necnon in mea adversus senonensium præsulem *Expostulatione* declaro, meque ipsum invidioso illo nomine traduci a quibusdam augustinianæ scholæ adversariis audio, patiorque lubenter; isthic tamen ratus sum iterum præmonendum, ne auctores longe doctissimos quos quarto capite sæculi XVII *jansenianos*, fortassis nimium incaute, dixi, existimes a me infamari tanquam damnatæ hæresis assertores. Consultum magis futurum fuisse puto a nomine, quod sine additamento prolatum est opprobriosum atque inhonestum, penitus abstinere; at postquam calamo excidit, eos quos molinistæ *jansenistas* indiscriminatim appellitant, ab iis qui revera sunt, oportet ut caute prudenterque secernas. Qua in re Ecclesiæ

II.

I

007511

judicium attende, non criminantium dieteria. Dissidia itidem quæ excitata diximus cujusdam doctoris sorbonici lucubrationibus, quibus incentoribus excitata sint, probe nosti. Absit ut laudes promeritos, aliqua afficiamus injuria, aut dignos vituperatione, laudibus prosequamur. Illos demum, quos *antijansenianos* ibidem voco, ubi damnatos errores perstringunt, commendo plurimum; ubi autem damnatorum errorum insimulant orthodoxos, nemo unus, nisi iniquus et improbus commendabit. Recte nobis cæterisque Democriti proloquium ad mentem revocavit Stobæus: *Bona collaudare honestum est, mala vero laudibus vehere est adulterini animi et impostoris indicium.*

JOANNES LAURENTIUS BERTI.



AD

SACRAM GEOGRAPHIAM ISAGOGE.

CAPUT PRIMUM.

QUISNAM FUERIT JUDAICÆ REIPUBLICÆ STATUS, QUANDO
IN MUNDUM CHRISTUS ADVENTIT.

De temporibus, quantum ratio instituti nostri postulabat, pertractatum est in Prolegomenis primæ partis; nunc agendum de locis, ac primum de Judæa ob nativitatem, prædicationem ac mortem Redemptoris nostri, regionum universarum celeberrima. Constat ex supradictis tempore Natalis dominici regnasse in Judæa Herodem alienigenam et Idumæum; nempe sub Messia adventu sceptrum ac principatus de Juda ablatum est, quemadmodum prænuntiaverat Gen. XLIX, 10, Jacob patriarcha. Ubi autem Herodes sceleratam efflavit animam anno juliano 43, regnum ejus discissum et in filios distributum fuit postremo ipsius Herodis testamento, C. Augusti auctoritate et senatusconsulto. Legendus Fl. Josephus, lib. XVII *Antiquit.*, cap. x et seq.

Archelaus itaque, qui sepulto patris corpore in Herodio Castello, 60 stadiis a Jerusalem, Arabiam versus ab ipso Herode constructo, compressisque seditiosis, qui ob dejectam aquilam auream tumultus Jerosolymis excitaverant, Romam advenerat, ut paternum regnum consequeretur; post contentiones plures ethnarcha, id est, gentis princeps, non autem rex, declaratus fuit ab Augusto, regium quoque titulum ei pollicente, si hoc